

【滿天星】李得福原作

來到屏東姐公个菁園肚，看著一行一行高天天个檳榔樹，聽講二、三十年前，一分地一年做得收成十過萬銀，還愛牽電火掌菁仔，園肚係有火光，賊仔就毋敢來偷割。這下價數當便宜，正賣著頭擺十分之一個價錢，雖然賣毋成錢，姐公還係打理到青溜溜仔，因為菁行之間有加種時計果，做得賣加一息錢。檳榔樹準柱樁，利用廢電線搭棚仔，有紅電線、烏電索、雙股个白片線，脣頭用白片線牽透龍，紅烏電線橫架直架¹成三長列過个彩色時計果棚。

逐年三月春分前後，時計果開花咧，青花托撐起吊菜色个花蕾頭，還有牽白鬚个花瓣副花帽；第二層係五皮青黃色个公花，帶當貢个花粉；最頂高層係三支像擰螺絲个扳手，又像豬仔个飯匙骨，這係嫲个花。佢識看姐公拿一支毛筆，在逐蕊花頂高蘸蘸、搵搵當像畫圖樣，佢問：「姐公，你在該做麼个？」佢指等花蕾摻佢講：「佢摻公花个花粉蘸來膏在嫲花个花蕾町，恁樣正會打子結果啊！」

青青个細果子在果棚頂吊到淦淦，企在棚仔底下看往上，就

像看著滿天个星仔樣。姐公講佢種个時計果品種就安到「滿天星」，當像佢伸手就摸得著也摘得著，又乜食得著个星仔呢！

清明過後無幾久，時計果就轉烏黝紅，看著暗紅暗紅無青影就做得摘咧。佢兜姊妹在果棚底下，臥起頭一隻看過一隻，慢慢仔相，相著係紅到轉烏色就熟咧，甜度罇較無恁酸。摘著半菜籃遽遽扛去倒落紙箱肚，一輪、兩輪、三輪紙箱仔張到淦淦，愛載轉高雄冰起來定定仔食。熱天放學轉來，阿姆會摻時計果洗淨，在蒂頭頂高挖一隻像五十個銀恁大个空，放在水果盤町，佢兜拿細湯匙定定仔舀來食。正摘啊著个時計果特別甜，佢一下斯食忒七、八隻，酸丟酸丟²緊食緊爽口，連鼻空散出來个氣又乜酸丟酸丟帶有時計果个味緒。

阿姆成時會摻時計果裡肚个仁摻汁挖出來，加一息冷滾水放落果汁機去打，打好用盅仔張等放冰箱冰，分佢兜準果汁食。逐擺係淋這果汁，就會想著在果棚下歸頭白毛，笑到牙西西个姐公。

¹ 廣：音 gang`；織。

² 酸丟酸丟：音 son` diu son` diu；酸溜溜地。

【放蝦公筍】郭亭好原作

禮拜六阿爸渡侄兜共下轉去莊下看阿公、阿婆；阿公看著侄兜轉來當歡喜，老妹盡會做嬌，一下斯飆去摘等阿公，講佢當想阿公，聽著老妹嘴恁甜，阿公暢到奈毋得，笑到哈哈滾。在灶下無閒个阿婆，聽著侄兜轉來，手盯擎等个鑊鏟還來毋掣放忒，斯行等出來，緊拏侄个頭那，笑微微講：「兩儕都較高也較作肉¹咧！還好哪！」

睡當晝跣起來，侄看著阿公當無閒在該用白飯攪糠仔，攪好先亾分佢歸團，過後正斷做一細團、一細團放落蝦公筍²裡肚，佢講等下愛去放蝦公筍咧。聽著愛放蝦公筍，侄試著當生趣斯嚟³愛跲，頭下碼阿公驚侄危險毋肯分侄跲，侄緊摺阿公保證侄會細義，高不將阿公正渡侄共下去。

河壩肚滿哪仔都係生溜苔个石牯，侄著等水靴行路當毋慣，行無兩步腳斯險險溜著，該載阿公盡流掠，遽遽摺侄揪等，佢講逐步腳都愛先試踩看仔，係毋會滑正好踩上去。侄兜慢慢行到水較淺个位所，阿公教侄蝦公筍愛放在水較恬又有石縫个地方，佢

先摺水底个細砂石用手搥平分蝦公筍做得貼地，還愛摺蝦公筍个嘴順等水流向往落，再過拿石頭砣在蝦公筍面頂，講恁樣蝦公筍正毋會分水打走，最尾還愛在脣頭个大石頭面頂放幾隻細石牯做記號，恁樣，收蝦公筍个時節，斯知蝦公筍放在哪位咧。侄兜順等河壩摺蝦公筍一路放等去，到會暗昏咧正做下放好勢。

本來摺阿公講好第二日愛共下去收蝦公筍个，侄嘎睡到日頭晒屎肫咧都還盲跣。阿公自家摺蝦公筍歸下收轉來，正喊侄跣床摺佢共下退蝦公筍。侄聽著阿公喊，煞煞跳跣起來，牙齒儘採鑪兩下斯躡等出去⁴摺阿公搥手。逐隻蝦公筍張著个東西無麼个共樣，退一隻蝦公筍斯像開一到獎，有个張著蝦公、齊口，有个張著毛蟹、石斑，成下還會張著湖鰱仔，實在還生趣。

這兜對鮮鮮河壩水來个好食材，當晝在阿婆个好手路料理之下，歸桌都係又萋又好食个魚仔、蝦公摺阿婆自家種个青菜，非常豐沛，飯桌頂侄兜緊食飯緊講笑，因為心情歡喜試著逐樣菜都恁好食。臨暗仔侄兜愛轉咧，車仔正駛啊停動，侄遽遽摺窗門絞下來，大聲喊講：「阿公！下二擺愛放蝦公筍个時節，定著愛記得渡侄共下去哦！」阿公緊搥手，頭那緊頷、緊應好。

¹ 作肉：音 zog ngiug；長肉、生肉。

² 蝦公筍：音 ha gung` ho；竹製的捕魚、蝦器具。

³ 嚟：音 kiau；言語糾纏。

⁴ 躡等出去：音 liung` nen` chud hi`；衝出去。

【該條大崎】黃美貞原作

戴在這伙房个人家，出出入入定著愛經過大崎，頭擺在該位種有一大片个香絲樹，所以大崎又安到「香絲坪」。對細人仔來講，出門讀書愛蹶崎斯已難耐，毋過日仔總係愛過，香絲坪乜變成大家生活个一部分，佢最記得个就係撈阿雪溜大崎無擋仔發生个事故。

上屋个阿雪大佢三歲，五年生該下，就自家騎自行車去讀書，上大崎个時節，愛企起來盡命牯箭，箭毋贏咧正甘願下來用牽个，書包仔放在頭前个籃仔肚，看起來風神哎哎¹，該量時，細人伴都當欽羨佢。有一擺，佢在大崎堵著阿雪，佢講：「佢載你下崎愛無？」佢想著阿姆个叮嚀，遽遽搖頭講：「毋使毋使，佢自家行等轉就好咧。」阿雪當有自信講：「佢日日斯溜等轉，又遽又爽快，加勝²擋仔皮正換過新个，愁麼个？」佢用手試撚仔，車仔黏時頓恬³，看起來已妥當，心肝肚想，試一擺斯好，阿姆毋會知啦！

蹶上車，在崎頂看啊下去，阿姆哀！腳底撓撓，雞嫲皮膨膨

起，阿雪講：「你會驚係無？」佢毋願認輸應佢：「有麼个好驚？」其實佢驚到會死又毋敢講。阿雪吩咐佢愛扳好勢來，佢兩隻手揪等佢个衫，目珠眨到密密，車仔順順仔溜下去，聽著唧唧滾个擋仔聲，心肝加已定貼，按算加一下仔就到咧。無想著，溜到半崎仔个時節，擋仔嘎恬忒，這時，阿雪放勢牯喊：「無擋仔咧！這擺死無命咧！」佢毋知愛仰結煞，斯會跔等阿雪緊喊。

「砰～」聲！車仔正正撞落一墩笏竹去，佢擘開目珠，看著阿雪橫在竹頭下，企毋起來，緊噉緊呻：「還痛！還痛！」佢摸一下溼溼个鼻空，手巴掌全係血，原來係出鼻血咧，該載手腳還做得停動。佢定定仔蹶跣起來，顧毋得滿鼻空个血，一路行轉去伙房尋人，好得阿泉叔兩子爺堵好轉夜，奧多拜一頓恬，兜起廳下个藤椅，跋起腳就去撈阿雪扛轉屋下，遽遽打電話請莊頭个魏先生來檢查。阿雪也命靚，斯手腳鑪溜皮定，毋過可能係嚇著咧，暗晡頭緊發狂⁴，食睡毋得，厥婆還渡佢去分陂塘下个恩主公收驚。

到今想起該擺溜大崎逞英雄个戇事，心肝肚還會怒忸⁵一下，雞嫲皮又膨膨起。

¹ 風神哎哎：音 fung`shin ngai`ngai`；洋洋得意。

² 加勝：音 ga`shin`；更加。

³ 頓恬：音 dun`diam`；停止。

⁴ 發狂：音 bod kong；失去理性，舉止狂烈、異常。

⁵ 怒忸：音 nid`nug`；受驚的樣子。